









酌中志卷之四



內臣衙門職掌第十六條職掌錢糧數目

皇明祖訓所載設立內府衙門職掌品級立法垂後

亦盡善盡美惟是間有祖訓所未及我而未詳者

謹譜次梗概於左按內府十二監曰曰御用曰

內官曰御馬曰司設曰尚寶曰神宮怡曰尚衣

曰印綬曰直殿曰都知又四司曰寶鈔曰

重校官又八局曰上內織

染曰  
麥曰司苑曰

請之二

十四衙門也此外有內府供用庫司鑰  
等處亦臚列於後司禮監掌印太監一  
太監八九員或四五員設有象牙小牌  
每日申時交接輪流該正凡每日奏文  
親批數本外皆衆太監分批遵昭閣中  
硃筆楷書批之間有偏傍偶訛者亦不  
最有寵者一人以秉筆掌東廠印事秩  
尊視元輔掌

東廠權重視總憲無次輔其次東筆隨堂如衆輔焉  
皆穿貼裏先斗牛次陞坐蟒先內府騎馬次陞撻机  
祿米每陞一級則歲加米十二石各家私臣曰掌家  
職掌一家之事曰管家辦理食物出納銀兩曰上房  
執掌箱櫃鎖鑰曰掌班領班鈐束兩班一應官人曰  
司房打發批文書騰寫應奏文書其下管帽管衣  
靴茶厨房打聽管看莊宅各項屑事務一六餘大小  
衙門有應題奏事情皆先閱白司禮監掌印東筆

隨掌而始行凡御前親近大內臣如乾清宮管事  
打卯牌子其秩亦榮顯猶外廷之勳爵戚臣然皆得  
掌各衙門之印視其寵眷厚薄而欽傳畀之不拘  
資次司禮監提督一員秩在監官之小本衙門居  
住職掌古今書籍名畫冊頁手卷筆墨硯綾紗絹布  
紙劄各有庫貯之選監官之老誠勤敏者掌其鎖鑰  
所屬掌司四員或六七員佐理之并內書堂亦屬之  
又經廠掌司四員或六七員在經廠居住只管一應

經書印板及印成書籍佛藏道藏番藏皆佐理之自  
提督之下則監官典簿十餘員第一員監官提督  
皇史宬成并新房候轉提督俱輪流該正在廊下家  
宿專理 皇城內一應禮儀刑名鈐束長隨當差聽  
事各後閔防門禁止逆賢擅政時令典文書輪挨過  
雙月十六日前往教場比試武職應襲其次六科廊  
掌司六員或八員分東西兩房管精微科內外章疏  
及內官脚色履歷職各月報逃亡事故數月其次人

數十員或八員管二十四衙門 山陵等處內官職  
級姓名撰寫每日傳行 聖旨稽查門禁鈐東當差  
聽事題奏應行禮儀應頒賞賜其次六科廊膳黃寫  
字一員其次管掌寫字則按節挨次題稟禮儀文書  
及賞例或百餘員或數十員分兩班四撥各撥若干  
人其班按十二支輪之曰頭頂整一日過夜日守早  
從邠至申曰守晚從申至次日天明曰末頂整一日  
過夜方得下班歇息四日也凡過 聖駕朝講遊幸

穿麟補紅裋襖或青裋襖執藤條攔擋者皆掌司人  
數寫字也或轉經廠司禮監掌司者則每撥內另有  
一種衙門寫字共十餘員挨捕而已自提督至寫字  
俱穿裋襖凡出入皇城各門軍接與擋道自內書  
堂奉旨派撥者名曰正途或乞思奏保改陞  
者亞焉按祖宗舊制必依昭欽錄姓名挨次魚  
貫陞轉固敢挽越自逆賢擅政盡將歷練老誠之人  
擯斥殺害或左遷宮內御司房或退出於冷淡衙門

林銜等署西小小墳園三場十庫及天啟七年春復  
點撥于代府於新之國之瑞惠挂三府今概蒙  
聖恩召復凡有力者雖漸有生色其實典禮衙門挫  
折損體恐終不能復祖宗一定之舊規也惜哉如  
欲內廷有真正忠良才品必先內書堂振刷優選慈  
善之人加意訓教以儲十餘年或二三十年之後大  
可用也奈天啟年間有誰肯仰全聖德保全國體  
性刻意報復沉酣寵利內則注精神於媚嫉外則示

痛戒於覆車苟植私人固有卓識大率兩目熒々患  
失而已謂之朝不及夕者非耶至一旦失寵退閒後  
浪又催前浪 天家才人性命那堪頻遭帶累摧折  
乎况又多閭閻 幼稚志在安飽誇耀那孺奴視父叔  
習俗移人雖賢者難免或有特達自見迥異流輩者  
必群起而非謂之或乘機而擯害之總之孤陽不生  
自古已然非止一人也

文書房官八員或十員雖穿袂徹其實 祖宗設立

原是遴選二十四衙門 山陵等處有學行才識者  
委用職掌通政司每日封進本章并會極門京官所  
上封本及在內各衙門奉天下各藩封本府有大小  
濃淡之不同文書房各以名銜前後分管之其在外  
之閣票在內之搭票一應 旨意 聖諭御札俱繇  
文書房落底簿發行所以如今凡掌司陞轉文書房  
者概削去司禮監銜都借列內官監銜其呈稟文書  
俱見經手次第中然不過逆賢時如此耳先時從公

揆轉雖非外衙門選擇委任尚可觀也而逆賢盡行  
斥退信用自己各下間有一派少不更事之人非制  
也按舊制後有門即霄臺右門之北隆宗門之南坐  
西朝東房一連原名協恭堂每日早晨或非朝講  
之日及申時後掌印公過司房者文書秉筆隨堂人  
各各入室揆次細看先看文書房外本次看監官典  
簿文書自逆賢竊柄其規矩蕩廢無遺所以事苟  
且萬曆年間先監過司房例印公穿直身率秉筆等

都是單身入室其親信掌班人等一人不得入機密  
禁近理應如此奈王體乾黨附無骨而逆賢不識字  
遂公然於乾清宮大殿上看文書或懋勤殿板房看  
文書硬拆實封高聲朗誦又換次到各人直房那一  
家管文書看直房掌班司房官人肯不出宮門不張  
權勢者乎不過司房誠託政也如欲君德昭明左  
右得人須先振刷內書房起欲章疏不洩漏權不旁  
落須有好明白印公不徇私不憚勞仍復早晚過司

房之舊制始如欲真才柄用中外不水火須大破逆  
賢積習為官擇人不為自己子孫擇官始在 聖主  
自無一番一番如傳舍用人之理在內臣亦聞夙觀  
感群於為善庶免本官勢例連累退斥之患此必得  
虛明為 國淡名利忘報復之人柄政當朝立賢無  
方庶可辦此若只憇、忽、張三敗了便將他支派  
退淨李四敗了又如此趙大王二又如此總有真心  
為國東身自好之品恐亦孤掌難鳴也東海遊波其

奈之何哉九 御前面考隨堂秉筆自崇禎元年冬  
欽出事君能致其身題考鄭太監之惠曹太監化淳  
中戎始至十二年夏李太監承芳署司禮監印時  
其名下顧三聘者亟圖遠化遂密託己之名下王建  
鼎代作選於衆時藝一篇被興綽官發其事李遂不  
得已奏知 聖主立將三聘責斃降建鼎淨軍發南  
海子看守牆舖其年秋視職逮獄偶言及於此 聖臣  
曰重懲三聘甚當李曰何也 聖臣曰彼草野寒士或

迫於家貧親老行險徼倖世所間有罪不致死今三  
聘職叨典禮於御前面試乃敢藐視憲典迫挾各  
下任性冥行至此便是犯一欺字了於臣子之誼安  
乎嚴懲處死不為苛也

內書堂讀書自宣德年間創建始命大學士陳山教  
授之後以詞臣任之凡奉旨收入官人選年十歲  
上下者二三百人撥內書堂讀書本監提督總其綱  
掌司分其勞學長司其細擇日拜聖人請詞林衆

老師初則從長安右門入北安門出後則繇北安門  
出入每學生一名亦各具白蠟手帕龍掛香以為束  
修至書堂之日每給內令一冊百家姓千字文孝經  
大學中庸論語孟子千家詩神童詩之類次第給之  
又每給刷印做影一大張其背書號書判做熟判做  
止標日子號書言點句也凡有志官人各另有私書  
自讀其原給官書故事而已派年長有勢力者六人  
或八人為學長選稍能選字者為司房凡背書不熟

寫做不堪或損污書做犯規有罪過者詞林老師批  
數目付提督責處之其餘小事輕則學長用界方打  
手重則於 聖人前罰跪再重則板着幾炷香板着  
者向 聖人前直立彎腰用兩手板着兩腳不許體  
屈<sub>曲</sub>則界方亂打如雨或半炷者一炷香其人必眼  
脹頭眩昏暈僵仆甚而嘔吐成疾者此最酷最不近  
理之法也凡強凌弱衆暴寡長欺幼者每賄托學長  
借公法以報私怨此第一陋套所宜痛革者也嘉靖

年間讀書官人有年少貪睡者散學時人叫不起遂  
鎖在內半夜聞有呼殿聲儀衛甚衆云 聖人到樓  
得此官人 聖人曰既得見我可謂有受教之分視  
有何書取來我親教之不意案上有大統曆一冊乃  
指誦一週至天明向人言如此試令背誦一字不差  
又姜淮者年少有日值殷太史士瞻教書偶不在室  
淮戴其紗帽束其帶正在室中搖擺作勢殷猝至淮  
不知帶掉黃解法殷頗不憚淮曰師父還繫玉帶哩

此銀帶何足貴殷笑而釋之歸寓向夫人備道相笑  
萬曆初殷入相束玉夫人尚記憶淮名白殷託馮大  
監保察之淮見任御馬監奏御隨令赴殷寓拜見師  
媽殷山東人罷相致仕時淮送至天津始回見讀書  
官人遇令節朔望亦放學一日其每日暮臨散即排  
班題詩不過雲淡風輕之類按春夏秋冬隨景而以  
腔韻題畢方擺列魚貫而行人有不知誤亂換越者  
必群打詬辱之別衙門官過學生擺班行走必拱手

端立讓過即司禮老公過之亦然凡各衙門缺寫字  
者即具印信本奏討奉 旨撥給若干名即挨名給  
散至逆賢時此制大壞無餘殊可嘆也凡內書堂官  
人已撥散將完無人讀書該監題知於二十四衙門  
官占官下及監工改讀書以補之其實事久弊生冥  
頑貪詐或粗橫克猾搃非作養賢才良法也如欲痛  
改前轍只在 聖主右文主持於上好印公提督掌  
司振飭於下不吝教不憚煩詞林老師激勸於外不

倚勢有良心年長晚事學長應之於中不三五年即  
有成驗十年內外國家自享真才之用消玄黃之  
戰於廟堂行無疆福澤於億世顧惟在位者加意何  
如耳禮儀房署在東安門外舊都府草場之東向南  
提督太監一員掌印或秉筆攝之掌司數員寫字管  
事數員本房長隨數員掌管一應選婚吉禮每年春  
夏秋冬四仲月選乳媪生男十口生女十口月給食  
料在妳子府居住凡宮中有喜鋪月子房則生男生

女各一二口在文華殿外西北臨河之小房住及報  
生皇子則用生女妳口皇女則用生男妳口猶月  
剪髮百日命名及請髮留髮入囊 冊立 冊封選  
妃打扒角選駙馬一應禮儀皆經理之  
中書房掌房官一員散官十餘員係司禮監：二年  
老資深者換轉專管文華殿中所寫書籍對聯扇柄  
等件承 旨發寫完日奏進 御前凡宮中糊飾如  
不放外匠便只是監工并學手藝牌子糊飾換轉此

處并 御前作至貧老無倚則發外經廠看守以待  
斃焉凡司禮監掌印秉筆隨堂故後各有牌位送外  
經廠供安各有形像送西直閤外大佛寺供安看廠  
監工守寺僧人侍香火不絕也

御前作平掌作官一員散官十餘員亦是監工年老  
資深者挨轉專管營造龍床龍卓箱櫃之類合用漆  
布銅油銀硃等物料奏准甲字等庫閩夫以上二處  
亦掌印或秉筆提督之

司禮監外差南京正副守備太監二員關防一顆其  
文曰南京守備內守關防護衛 苗都為三千里外

親臣轄南京內府二十四衙門 孝陵神宮監等官

奏進 神帛 鮓 魚苗 薑等 鮮各衙門印文比北京各

多南京二字

孝陵神宮監掌印太監一員別衙門可陞不保司禮

監也轄本陵僉書掌司及謫南種菜淨軍人等

天壽山守備太監一員關防一顆轄十二陵掌印僉

書工部廠掌司等官凡每年清明親率各掌印來京  
奏添工本每歲辦進松花黃連茶核桃榛栗等果各  
陵皆有晾果廠在  
鳳陽守備太監一員關防一顆護衛 皇陵轄僉書  
數十員兼管高牆犯宗  
湖廣承天府守備太監一員關防一顆僉書數十員  
轄承德荆襄地方護衛 顯陵徵收子粒每年進茶  
扇葛布香茶手巾

太嶽太和山鄧武鎮守太監一員閔防一顆轄均州  
等處經管本山香火羽流辨進擲梅鷹嘴筍騫山茶  
等件

正陽等九門永定等七門正副提督二員閔防二顆  
以上六處秩在文書房監官之上并孝陵掌印各  
有勅諭又正陽門掌司一員秩視六科廊然不隨  
內轉缺則補之近已裁革不補

大壩等馬房正副提督太監二員勅諭閔防秩在

文書房之次外衙門官亦間任之

蘇杭織造大監一員亦有勅諭閑防秩視秉筆而

安逸尊富過之萬曆年間惟孫太監隆先監之同年

也多學善書曾刻通鑑總類中鑒錄等書所造清謹

堂墨欵致精巧猶方子魯程君房而劑料精細為殊

勝焉 神廟最愛重之今不易得也隆在蘇抗年久

又以暇日重修西湖蘓堤從容儒雅蓋事辦而民不

擾大得東南民心至今思之未艾也掌印王體乾秉

筆王文致皆陰名下也

今上即位憫東南財物凋

敝時停止不差

東廠自成祖即位永樂十八年始置其外署在東

安門外迤北提督太監一員閔防一顆勅諭最為

隆重凡內官奉差閔防皆曰某處內官閔防惟此處

篆文曰欽差總督東廠官較辦事太監閔防自泰

昌元年九月先帝登極後歷掌東廠者鄒義沈蔭

宋晉也至天啟四年春逆賢掌廠其年夏李永貞倡

分批東廠一疏。累臣見面上。閱防因稟永貞曰。此廠如何。省直提學道。閱防俱因避。御名題請改鑄。此臣下尊君之體。不忍缺者。東廠在內府親近衙門。何三四年尚用舊閱防。無人題請改鑄。可乎。永貞始竊嘆。稱曰。老爺素通六書。可謂識體。即轉白逆賢。逆賢曰。真字我尚不識。這篆字誰能認。得。隨令廠司房呈稿具題。改鑄更官較。曰。官旗也。及六年以後。內臣紛出鎮。直陶文討鑄。閱防不道。曰。內臣內官足矣。不意

各票欠詳 先帝御批於閣票內誤增太監二字王  
體乾等不違體制含糊奉行未之奏正聞近日鑄給  
者亦多稱太監各人原疏可證也本廠設有掌貼刑千  
百戶二員掌班領班司房四十餘名圓帽皂靴穿直  
身十二顆管事圓帽襖襪皂靴其擋頭辦事百餘名  
分子丑寅卯十二顆圓帽襖襪白靴番役可千餘名  
外署大廳之左小廳供岳武穆像一軸廳後磚影壁  
雕狻猊等獸狄梁公斷虎故事存此者良有深意也

大廳之西有祠堂內供從來掌厥職名牌位前有坊  
曰百世流坊稍南有獄一處凡重犯則繫獄輕犯干  
連則在署外之店也署西南有門以通出入向南大  
門不恒開也近年將西門改墻而井中水無故汎溢  
是以鄭太監之惠李太監承芳相繼褫職逮刑部獄  
人咸以為宜仍開西門為妥云凡中府等處會審大  
獄北鎮撫司拷訊重犯本厥皆有人聽記其口詞一  
本抄打數一本於本日晚或次早奏進每日訪者兵

部有無進部有無塘報京城各門 皇城各門閑防  
出入俱有事件奏聞或地方失火或雷繫何物亦奏  
聞之又每月晦日奏報在京雜糧米荳油麩之價此  
祖宗以來良法深意欲九重之上覽物價之多寡即  
可知農歲之豐歉以商賈通塞便可知道路之夷險  
總留意民宅第一義也凡 皇城禁地人命亦皆有  
事件其內署在東上北門之北街東混堂司之南萬  
曆初年馮太監保奏建古槐森鬱廡宇肅然凡各處

辦事打事件皆到內署先見廠公心腹內官發司房  
刑潤奏之逆賢擅政是時所獨信任者李朝欽耳初  
天啓元年二月因奴虜之患將玄武門外入賣貨物  
大市奉 旨那改於東安門外戎政府街民間謠曰  
大市去矣至七年秋 皇極等殿告成復奉 聖諭  
前朝後市之義仍將大市移入玄武門外是時 先  
帝違和久逆賢因飾夜禁被巡捕提督張體乾一言  
所激日夜巡非不緊奈有內裏犯夜巡軍那敢問又

因客氏之母路遇一醉內官爭道惡罵馳去逆賢大  
怒遂猝布旗番即於初三日晚捉得夜行內官陳烏  
眼等十餘人聽李朝欽之言乘大市之日逆賢親自  
到內東廠將犯夜內官各狠打一頓有降發風陽者  
有發南海子者致死于路者數人逆賢坐板繇玄武  
門入王體乾李永貞石元雅徐文輔等凡在河邊居  
住掌家皆望塵跪伏道傍俟賢過方起其市上賣買  
人觀者亦有叩頭匍匐候過而方起者此逆賢肆毒

作威之末一著也內署有扁曰 朝廷腹心有至聖  
堂有井其掌厥公宮中直房有 欽給密封牙章一  
枚凡事件應封奏者以此鈐封逆賢擅政更造一差  
大者曰東廠密封凡在賢左右念本章事件者蘇雄  
陳福壽李朝欽裴有聲也每日清晨叩頭傍立挨次  
回通本封本票本話者李永貞石元雅冷文輔三人  
也如孫暹郝隱儒等槩不聞也凡 先帝御前念奏  
事件亦止此三人耳李朝欽等亦不能到也

內官監掌印太監一員其所屬有總理管理僉書典  
簿掌司人數寫字監工自典簿以下分三班宮中過  
夜每班掌司第一人曰掌案所管十作評曰木作石  
作瓦作搭材作土作東行牆西行油漆作婚禮作火  
藥作并米鹽庫營造庫皇壇庫裏冰窖金梅等處凡  
國家營建之事董其役凡御前所用銅錫木鉄  
之器日取給焉外廠甚多各有提督外廠等官真定  
府設有抽印木植管理太監一員則內官監之外差

也四年一撥只有奉監公文無勅書關防及寶抵  
縣收子粒西湖河差大石窩白虎澗等處各有提督  
俱外差也凡內外修建分封藩王府第亦是管理外  
差須數萬金營永方能到手領勅書關防前去工  
竣即由天啓元年湖廣衡州府修桂藩府第管理翟  
應魁近銀四萬未能得用費五萬即得之餘差可以  
例其多寡矣無惑乎桂藩地基不堅殿宇傾塌也凡  
大行帝后陵寢嬪妃皇子女薨逝修造墳塋及完

婚脩理府第皆其職掌元啓元年春 慶陵工興

御前所發帑銀五十萬即有分侵八萬者矣欲堅羨

完善得乎至七年春 今上天婚禮成藩邸殿宇及

陳設器具俱塗飾草率皆李永貞貪其侵冒色工了

事漫不加意之所致也可恨極矣永貞伏法而經營

員役多漏網謂非孔方之力也哉

御用監掌印太監一員裏外監把搃二員猶搃理焉

有典簿掌司寫字監工凡 御前所用圍屏擺設器

具皆取辦焉有佛作等作几 御前安設硬木床桌  
檀閣及象牙花梨白檀紫檀烏木鸚鵡木雙陸棋子  
骨牌梳櫳螺甸堆漆雕漆盤盒扇匣等件皆造辦之  
仁智殿有掌殿監工一員掌管武英殿中書承旨所  
寫書籍畫扇奏進 御前亦猶中書房文華殿中書  
也

司設監掌印太監一員有總理僉書等官如內官監  
而所職掌者鹵簿儀仗圍幙褥墊各宮冬夏簾涼蓆

帳幔雨裯子雨預子大傘之類事最煩苦遠不逮御  
用監內官監有盈餘肥潤也如遇御前打點庫藏  
擡箱則此三衙門之人皆任重擡運不敢憚勞

御馬監掌印太監一員有監督提督四衛營勇士小  
廝有監官有典簿掌司寫字拏馬等官有象房掌房  
等官牙母象九隻各居一房缺則奏於外象房改補  
金鞍作長隨房等處有各灘監工本監象房之東有  
裏草攔草場皇城之外有天師庵草場舊都府草場

天啓六年夏舊都府草場失火逆賢督率內外官員  
軍士人等救撲三日始息都城東北有大壩等二十  
四馬房大壩城垣逆賢重創一新李魯生巡青疏所  
諛者是也凡逆賢出外到此則於城樓上陞座飲酒  
至夜則花砲巧線盒子烟火之類皆在城下放看如  
元宵焉

神宮監掌印太監一員司禮監、官或文書房無力  
者陞之有僉書掌司十餘員在端門之左九廟在

焉四孟之朔聖駕親享之正旦節及別月朔或過日  
食則改卜於初五後行其餘節令紀事惟謹即外  
太廟也其地無敢畜犬者萬曆年間掌印杜用養一  
獬豸小狗最為珍愛東廠李太監後訪知之指為違  
禁不敬聲欲叅奏用費千餘金方能得免  
尚膳監掌印太監一員光祿寺西門提督太監一員  
西華門內裏監有提理一員管理僉書掌司數十員  
寫字監工及外牛房羊房等廠監工百餘員而擡供

養官撥子長隨各數十員光祿寺涼樓醬房逢七等  
項各有監工坐家名色職掌造辦每日早午晚奉  
先殿供養膳品乾清宮等宮一號殿仁壽宮等宮春  
月分蔚料各有差等凡在御前掌印秉筆官事牌  
子煖閣近侍及外之內閣文華武英殿中書書士桌  
兒銀丙成光祿寺職掌用典簿閱防緘封每月酒飯  
一桌折銀十兩有奇半桌者五兩有奇到每月晦炤  
欽賞數目主名頒給之光祿寺志可攷也凡遇大

典禮 萬歲爺陞大座則司禮監催督光祿寺備辦  
茶飯鍾鼓司承應九奏之樂有所謂炮鳳烹龍者鳳  
乃雄雉龍則宰白馬代之耳至如南京等處進到各  
樣鮮品皆屬收納天啓以前九 聖駕每日三時所  
進之膳俱司禮監掌印秉筆掌東廩者二三人輪辦  
之近年改繇此監亦節省意至十三年復會司禮掌  
印掌東廩秉筆炤先年例按月輪流辦膳仍遵 祖  
制也

尚寶監掌印太監一員僉書等官可數十員職掌御  
用寶璽 勅符將軍印信其所可知者尚寶司凡所  
領寶璽曰皇帝奉 天之寶郊 天齋醮用之曰尊  
親之寶上 尊號用之曰親 之寶有大小三顆  
與藩府用之曰 語命之寶勅命之寶廣運之寶則用  
之最多也曰 御前之寶則宮中庫藏用之曰御藥  
謹封則牙封者也御藥房用之凡為有 勅命遠出  
者仍用一黃紙封套上下悉用一牙刺方寶封識之

其文曰丹符出驗四方其餘寶咸玉劑也凡寶皆內  
尚寶女官掌之遇用寶則尚寶司以揭帖赴尚寶監  
尚寶監請旨然後赴內司領取歲用寶三萬餘顆  
歲用寶色銀六十萬兩工部虞衡司辦進別項供億  
不盡載也其餘寶璽尚多不恒用也天啓甲子冬河  
南巡撫程紹遺副使張夢鯨進列寶璽玉質潔瑩款  
制渾朴其白文曰受命于天既壽永昌似小篆不甚  
古角無利缺的非秦璽想是宋元時偽造者惟閣臣

魏廣微誇大其詳從更逆賢播告中外以為此重之  
進正在萬方慶祝之前又值 朝政維新之會顯是  
瑞應實所以熒惑 先帝受賀稱慶藉肆報復云  
印綬監掌印太監一員僉書掌司數十員職掌古今  
通集庫并鐵券 誥勅貼黃印信圖書勘合符驗信  
符諸事及南京解到文武誥軸凡追奪誥命交納本  
監會同談料給事中書舍人於勘合底簿內附寫  
為事緣繇類于本監後小門之西傍河墻焚化

直殿監掌印太監一員僉書等官數十員職掌皇  
極建極中極武英文革等殿庭樓閣廊廡洒掃之後  
最勞苦冷局無人廳公署也

尚衣監掌印太監一員管理僉書掌司監工數十員  
掌造御用冠冕袍服履舄靴襪之事兵仗局之南  
舊監庫之北即本監裁縫匠役成造御服之袍房  
也又名曰西直房萬曆時凡造上用袍服之裏合  
用杭紬等絹例具尺寸數目於掌東廠太監處取辦

之不知今尚如此否也萬曆三十二年冬御前偶  
失珍珠袍一件神廟震怒命先監矩親至袍房拷  
問數次時掌管內官王乾王進王保三人素不睦而  
互訐陷之先監恕其愚狡察其實寃而憐之竟不為  
嚴旨所拘再四撓鞠了無盜袍證據時王進孱弱  
被掠病亡而王乾等奉旨降淨軍結局其後又數  
年宮中有人云此袍是一貴顯宮女偷出付其答應  
內官折碎變賣人始追感先監之明允淑問也倘希

指鍛鍊則支連蔓引舍寃而死者寧能再生乎益知  
執法者凡事宜虛公詳慎可也

都知監掌印太監一員甚不顯貴餘者皆本監寫字  
長隨各有青紅執事衣服凡聖駕出朝謁廟等

項在前警蹕清御者即此監之官也手執骨朶身穿  
鸚哥等補子戴平巾或官帽亦有穿圓領襖襪者其  
人極寒苦難以陞轉下之衙門也

惜薪司掌印太監一員總理數十員僉書掌道掌司

寫字監工數十員各外廠監工數十員專管宮中所  
用柴炭及二十四衙門 山陵等處內臣柴炭每月  
初四十四二十四日開玄武等門放夫匠打掃淨軍  
及糧運堆積糞壤每歲春暖開長庚蒼震等門率夫  
役陶浚宮中溝渠正旦節安彩粧凡過冬寒宮中各  
銅缸木桶該內官監添水湊安鐵篇其中每日添炭  
以防冰凍凡宮中所用紅籬炭者皆易州一帶內中  
硬木燒成運至紅籬廠按尺寸鋸截編小圓荆筐用

紅土刷篋而盛之故名曰紅籬炭也每根長尺許圓

可徑二三寸不等氣暖而耐久灰白而不爆如曾經  
伏雨久淋性未過盡而火氣大熾多能損人俟令眩  
暈昏迷發嘔大人尚可皇子女嬰幼何堪又宮咸  
木做地平墻壁多缺土氣凡乳母畏寒皇子女或  
中此毒不覺屢致薨夭良可痛也順天府歲供糯米  
一十五石一斗永平府歲供紅棗一萬五千五百七  
十觔於紅籬廠交納之廠中舊有香匠塑造香餅獸

炭又塑造將軍或福判仙童鍾馗各成對高二人許  
用金彩粧画如門神黑面黑手以存炭制名曰彩粧  
於十二月二十四日奏安於宮殿各門兩傍此亦歲  
暮植將軍炭於門傍之遺意也至次年二月初二日  
仍擡歸本廠修補粧新臨年節再安逆賢擅政則各  
增而大之所費百倍於前傀儡體做法高八九尺丈  
餘不等穿以真正綾絹紵紬佩以真正弓矢兵器鬚  
眉直豎猛惡如生又恐無知之人戲弄損壞凡該犯

方近侍必明燈看守雖冰雪寒夜不敢遠離必交接  
明白人、敢怒而不敢言也九隆德等殿修建齋醮  
焚化之際用揚木長柴宮中膳房用馬口柴內官閱  
領則片柴也外有北廠南廠西廠新西廠新南廠等  
處各有掌廠僉書監工貯收柴炭以聽閩支

鐘鼓司掌印太監一員僉書數十員司房學藝官三  
百餘員掌管出朝鐘鼓凡 聖駕朝 聖母回及

萬壽聖節冬至年節陞殿回宮皆穿有補紅貼裏頭

戴青搢頂綴五色絨在 聖駕前作樂迎導宮中陞  
座承應凡遇重九日登高 聖駕幸萬歲山端午闢  
龍舟插柳歲暮宮中驅儺及日蝕月蝕救護打鼓皆  
本司職掌西內秋收之時有打稻之戲 駕幸旋磨  
臺無逸殿等處鐘鼓司扮農夫餘婦及田畯官吏徵  
租交納詞訟等事內官監等衙門俟候各用器具亦  
祖宗使知稼穡艱難之美意也又過錦之戲約有  
百回每四十餘人不拘濃淡相間雅俗並陳全在結

局有趣如說笑話之類又如雜劇故事之類各有引  
旗一對鑼鼓送上所粧扮者脩極世間騙局醜態并  
閨闈拙婦駸男及市井商臣刁賴詞訟雜耍把戲等  
項皆可承應又御用監武英殿畫士所畫錦盆堆則  
名花雜果或貨卽擔則百物畢陳或將三月韶光富  
春山子陵居等詞曲選整套者分編題目畫成圍屏  
按節令安設總皆祖宗原因聖子神孫誕於宮  
壺之中長於阿保之手所以製此種之作用無非廣

識見博聰明順天時恤民隱之意也猗歟盛哉意淵  
微矣又上元之前或於乾清宮丹陛上安七層牌坊  
燈或於壽皇殿安方圓鰲山燈有高至十三層者派  
近侍上燈鍾鼓司作樂焚燈內府供用庫備蠟燭內  
官監備奇花火炮巧線盒子烟火人火馬之類誠  
所謂瞬息之樂粧點太平或藉此孝娛 聖母未為  
不可但火燭耽驚糜費甚鉅思及民瘼實可惜焉又  
木傀儡戲其製用輕木雕成海外回夷及蠻王仙聖

將軍士卒之像男女不一約高二尺餘止有臀以上  
無腿足五色油漆彩畫如生每人之下平底安一拘  
邠用長三寸許竹板承之用丈餘濶數尺進深三尺  
餘深方木池一個錫鑲不漏添水七分滿下用撈支  
起又用紗圍屏隔之經手動機之人皆在圍屏之內  
自屏下游移動轉水內用活魚蝦鱗螺蛙鯽鱖萍藻  
之類浮水上 聖駕陞殿座向南則鍾鼓司官在圍  
屏之南將節次人物各以竹片托浮水上遊關玩耍

鼓樂喧闐另有一人執鑼在傍宣白題目替傀儡登  
答贊導喝采或英國公三敗黎王故事或孔明七縱  
七擒或三寶太監下西洋八仙過海孫行者大鬧天  
宮之類惟是暑天白晝作之猶要把戲者耳其人物  
器具御用監也水池魚蝦內官監也圍屏帳幔司設  
監也大鑼大鼓兵仗局也乍觀之似可喜如頻作之  
亦覺繁費無味矣先帝最好武戲於懋勤殿陞座  
多點岳武穆戲文至風魔和尚罵秦檜處逆賢當避

而不視左右多竊笑之自天啓六年以後凡御前  
撒科打院本有鐘鼓司僉書王進朝綽號王癩子者  
抹臉詼諧公然稱贊惜薪司怎樣軫恤商人內庫府  
怎樣米積天堆東廠怎樣釐奸剔弊寶和店怎樣裕  
國通商內修朝殿外鎮邊疆或稱好個魏公、  
或誇好個魏太監逆賢居之不疑自以為美先帝  
聖顏亦每為喜悅回想憲廟時汪直擅權尚有懷  
恩之流居帝左右所以阿丑敢譎諫也今王體乾

既熟輕巧媚在王瘠子不過俳優賤職耳自然因而  
化之可嘆也已想稱功頌德是又寧止章疏間哉五  
年之九月九日 駕幸萬歲山鐘鼓司掌印太監丘  
印執板清唱維陽橋記內之攢眉黛鎖不開一套至  
六年九月登高丘印仍唱此曲識者哂其不合時景  
有失大體矣撫今思昔亦莫之為而為良非佳兆云  
神廟孝養 聖母設有四齋近侍二百餘員以習官  
戲外戲九 慈聖老娘：陞座則不時承應外邊新

編戲文如華嶽賜環記亦曾演唱是日 神廟侍側

見權臣驕橫寧宗不振至云改絲窳氏祭則寡人

神廟亦瞞目不言者以之先是 仁聖陳老娘：在

時凡遇節令聞必恭請兩宮 聖母於乾清宮大殿

陞座 神廟先在雲臺門朝北立候 仁聖老娘：

轎至景運門 慈聖老娘：轎至隆宗門 神廟即

居中朝北跪接候兩轎俱至乾清宮方起 中宮王

娘：扶請 仁聖老娘： 皇貴妃鄭娘：扶請

慈聖老娘：入宮少憇降座。神廟迺酒擺膳下氣  
怡聲膝行即拜周旋中禮傾心孺慕從來古今帝王  
聖孝所稀見也。神廟又自設玉熙宮近侍三百餘  
員學官戲外戲几。聖駕陞座則承應之劉榮其一  
也。又蔡學等四十餘人多怙寵不法自萬曆己亥秋  
俱下北鎮撫司獄。至庚申秋光廟始釋然庚死者  
什之三四也。此二處不諫鐘鼓司而時近有寵與暖  
殿相亞焉。

寶鈔司掌印太監一員管理僉書十餘員掌司監工  
數十員每年工部商人辦納稻草石灰末等若干萬  
觔又香油四十五觔以為膏車軸之用抄造草紙監  
不足二尺濶不足三尺各用簾成一張即以獨輪小  
車運赴平地晒乾類縑入庫每歲進宮中備宮人使  
用至於聖上所用草紙則係內官監紙房抄造淡  
黃色綿軟細厚裁方可三寸餘進交管淨近侍取非  
此司造也 神廟至 先帝惟市買杭州好草紙用

之 祖宗時造鈔印板及紅印聞其在庫中貯埋其  
衙門左臨河後倚河有泡稻草池而每年池中瀝出  
石灰草渣三百餘年陸續堆積意成一卧象之形名  
曰象山有作房七十二間各具一竈突朝天名曰七  
十二堯神允空濶土地最宜種蔬今畦圃綿亘拮擗  
相聞若田家清野之象云

混堂司掌印太監一員僉書監工數員職司沐浴堂  
子惜薪司月給柴薪內官監撥有夫役今事皆廢弛

凡內官皆於皇城外有堂子之佛寺內沐浴有選不  
中的淨身男子俗稱無名白即古之私白者為之擦  
澡討賞該寺僧擅其秋而無名白分其餘潤故內官  
全不來司沐浴也

銀作局掌印太監一員管理僉書數員寫字監工數  
十員專管造金銀鐸針枝筒桃杖金銀錢金銀莖葉  
等莖者圓珠重一錢或三五分不等莖葉則方片其  
重亦如莖不拘以備 欽賞之用又造花銀每錠十

兩不等止可八成許又 祖宗舊制有粟兌銀者重  
十兩五兩三兩二兩一兩至一錠之方塊也其成色  
止有六七成上有分兩印子逆賢擅政時久廢不造  
止以細絲銀鑿賞遂失 祖宗節省之意可惜甚焉  
浣衣局掌印大監一員僉書等數十員惟此署不在  
皇城內在德勝門迤西俗所稱漿家房者是也凡宮  
人年老及有罪退廢者發此局居住內官監例有供  
給米鹽待其自斃以防洩漏大內之事法至善也天

啟七年十一月客氏筭死於此

兵仗局掌印太監一員管理僉書十餘員軍器庫提  
督一員掌閱防掌司一員掌司寫字監工數十員職  
掌成造鎗刀劍戟鎚斧盔甲弓矢各樣大小神器又  
火藥局一處當之宮中元霄上鰲山頂上之燈例點  
放神器三位則監工事也凡每年七夕宮中乞巧穿  
針并御前鐵鎖鑰鎚鉗針剪之類及日月蝕救護鑼  
鼓嚮器宮中做法事鐘鼓鏡鉸法器皆諫之是以亦

稱為小御用監也。逆賢擅政時，凡鮮寧遠皮島等處登貢佛郎機等件，本局中為多。

中帽局掌印太監一員，管理僉書掌司監工數十員。職掌內宮長隨內使、小火者、平中官帽，每年入夏據見在數員，其題移文工部。至冬初，即于節慎庫領銀十餘萬兩鑿散內宮內使人等靴料。凡有羨餘繳進御前，凡新陞秉筆，即送朝衣冠笏帶鞋一分。凡選中駙馬冠靴，中使之家正帽，闈者之猪嘴帽，揀柳跑

馬勇士之圓帽藩王之國其旗尉靴帽帶若干分皆  
本局造送之奏于工部支領工價其署後臨河有梓  
潼帝君廟傳云神像旻順流漂入至此不動遂建祠  
祀之籤最靈

針工局掌印太監一員餘與巾帽局同職掌內官長  
隨內使小火者冬衣夏衣每年遞散一次遇辰年戌  
年久散鋪蓋銀一次凡宮中做法事揚幡桌圍等件  
皆隸焉凡內官曾賜蟒衣退出宮及病故者各具奉

還本局收

內織染局掌印太監一員總理念書掌司寫字監工  
數十員掌染造御用及宮內應用段疋絹帛之類  
有外厰在朝陽門外澣濯袍服之所又有藍靛厰在  
都城之西亦本局之外署也萬曆三十六年始建西  
項娘之廟於此其地素窪下時都中有狂人偶為進  
土之說凡男婦不論貴賤筐擔車運或囊盛馬馱絡  
繹如織以徼福為甚而處女艷婦藉此機會以恣遊

觀咸坐二人小轎而懷中抱一土袋隨此香紙以往  
進之可笑也此先監沒後光景也又數年神廟宮  
中偶興掉糴城之戲於御前十餘步外界畫一方  
城於城內斜正十字分作八城挨寫十兩至三兩止  
令司禮監掌印掌東廠秉筆及管事牌子進以銀壹  
葉八寶投之落于其城即炤數賞之若落逆城外及  
壓線者便收其所擲焉至戊午年遂有建夷奴兒哈  
赤之變失撫順聞原等處此戲始不作也

酒醋麪局掌印太監一員管理等官與別局相若也  
職掌內官宮人食用酒醋麪糖諸物浙江等處歲供  
糯米小麥黃荳及穀草稻皮白麪有差以脩御前  
宮眷及各衙門內官之用與御酒房不相統轄  
司苑局掌印太監一員管理等官同前職掌宮中諸  
處蔬果及種藝之事歲用黑荳穀草山東等處歲供  
之御前所用瓜菜茶料俱此局與林衡等署上林  
苑海子同脩辦之已上總謂之曰二十四衙門惟浣

衣局在皇城之外也

內府供用庫掌印大監一員總理管理僉書掌司寫  
字監工共百餘員專司皇城内二十四衙門 山陵  
等處內官食米每員每月四斗 神廟時張明掌此  
印揀稻子或爛米甚而至有三斗半者孫成掌此印  
將天堆之米亦罄者有油庫蠟庫等處廳前懸木魚  
一尾長可三尺許以示有餘糧之意後庫上有瓦鴿  
子一相傳以久不知何所取意也凡 御用白蠟等

蠟沉香等香皆取辦於此庫其印非九重倚毗最有  
寵眷者不得掌也司禮掌印掌東廠秉筆管事牌子  
等歲賜祿米各於季冬奏過給散之宮中各長街  
設有路燈以石為座以銅為接銅絲為門壁每晚內  
府庫監工添油點燈以便以看閱防逆賢擅政則盡  
廢弛以便冥行無敢言者矣

司鑰庫掌印太監一員管理僉書寫字監工可數十  
員凡寶源局等處鑄出制錢該部進交本庫備御

前取討賞賜之用庫中積有歷代古錢洪武以來大錢  
逆賢擅政引導 先帝監賜左右幾無子遺一日

御前舊錢內偶得天啓錢大小數枚色甚古徧問人  
無知者李永貞到直房向累臣說之累臣隨告假沐  
浴到外直房於史內及袁氏叢書玉海等書內查出梁  
蕭莊魏元法僧并南詔俱曾有此年號及 萬歲爺  
共四矣此進擬年號之宰相不多讀書之明驗也惜  
累臣身為人後不能親到 御前奏對而反以此為

招妬之媒豈非命耶凡 乾清等門及午門東華門  
等門鑰匙皆本庫監工於五更三點時自宮中發出  
分啓各門其鑰即便繳回其印文曰司關庫即俗名  
曰天財庫  
內承運庫掌印太監一員近侍僉書太監十餘員掌  
司寫字監工數十員其署在東下馬門其職掌庫藏  
在宮內者曰內東裕庫曰寶藏庫皆謂之裏庫其會  
極門寶善門迤東一帶及南城磁器等庫者皆謂之

外庫也凡金銀紗羅紵絲閃色織金錦羊氎玉帶玉  
塊象牙瑪瑙寶石珍珠珊瑚之類摠隸之又浙江等  
處每歲夏秋麥米共折銀一百一萬有奇即國初  
所謂折糧銀今所謂金花銀是也候解到京於每年  
仲月繇長安右門入徑造本庫交收此印及直殿監  
印鐘鼓司印混堂司印靈臺印皆本衙門第一員會  
書揆掌不係貴近內臣掌至崇禎三年冬董實事發  
之後此印便改以貴近內臣掌也凡內官陞玉帶即

於本庫領取及禱降病故其名下官人仍具本交還  
更湏許多繁費近年奉旨陞玉帶者亦如外臣有  
脩殊公私兩便也南京供應機房太監一員則本庫  
外差有勅諭關防所謂漢府織造是也其署漢庶  
人高煦遺址

靈臺掌印太監一員近侍僉書數員者時刻近侍三  
十餘員學習數十員凡遇收選官人則撥三四十名  
年幼者讀步天歌陰陽雜沅天官星曆等書習字算

觀星氣輪流上臺以候測變異呈稟掌印具呈司禮  
監掌印據質奏聞其占候書曰觀象玩占曰流星  
撮要等書皆抄謄授受不敢傳佈于外世雖有抄本  
玩占多差訛不全未足信也其數法極嚴比司禮監  
書堂之學規凜肅實効為優勝云每年曆樣造曆係  
靈臺欽天監公同經管

御酒房提督太監一員僉書數員專造竹葉青等各  
樣酒并糟瓜茄惟乾豈豉最佳外廷不易得也

牲口房提督太監一員僉書數員收養異獸珍禽有  
虎城羊房

彈子房掌房一員僉書數員專備彈子所用泥彈大  
小輕重各有等第以黃布作袋盛之

刻漏房官十數員不隸靈臺專管每日時刻畫則文  
華殿後每一時至即令直殿監官入宮換牌每夜攢  
點後至天明則隆宗門外報炭刻水之第一聲而答  
應長隨接報第一聲如某時初一至初四某時正一

至正四之類為接班起早之候也

更鼓房凡有罪內臣謫司其事換年久者一員予牌  
帽緦之平巾烏木牌者數人佐之凡逆賢殺人皆牌  
子候得用下手今死矣餘者曰二牌曰定水牌子其  
餘則淨軍每夜五名輪流上玄武門撻打更每夜自  
更三點起至五更三點止按數日用藤條擊鼓用檀  
木柳頭擊點者銅鑄之大雲板也例只一更一人  
上撻不許携燈晴夜尚可惟風雨晦冥苦不可言如

有錯誤即責處之

甜食房掌房內官一員協同內官數十員經手習學  
造辦虎眼等糖裁松餅減煤等樣一切甜食於內官  
監內討餞金盒裝盛進安御前兼備進賜各宮又  
欽賜閣臣等項其造法器具皆內官自行經手絕不  
令人見之是以絲窩虎眼糖外廷最為珍味又七月  
十五日進獻波羅密亦所造也

絲作

即洗白

掌作內官一員協同內官數十員經手習

學織造各色兜羅絨各色五毒等絛花素勒甲拔絛  
及內官長隨小火者牌總絛惟兜羅絨織法傳自西  
域外無敢私織者甜食房并此廠皆屬御用監轄最  
寒苦不可言可憫

裏草欄草場在皇城內東北隅御馬監大門之南永  
樂初年建收料葢至宣德年間將中府草場之草分  
受始立場有倉廩也

中府草場

即舊都府草場

在東安門外奴子府街永樂初創

收馬草傳云是勝國時都督府故名

天師庵草場在皇城外東北角正統年間以張天師  
舊處改建故名場外有井廿列可用不減十王府街  
之井也以上共謂之三場隸御馬監各有掌廠太監  
一員貼場一二十員僉書數十員或百餘員

甲字庫職掌銀硃烏梅靛花黃丹綠礬紫草明礬光  
粉黑鉛水膠靛花藍靛五倍子濶白三梭布綿花布  
苧布紅花水銀硼砂藤黃茜草薑黃蜜陀僧硃白

芟抱子百藥煎之類皆浙江等省歲供納之以備御  
用等監奏准取討

乙字庫職掌奏本紙藥榜紙中夾等紙各省解到胖  
襖以備各項奏准領取

丙字庫每歲浙江辦納本色絲綿合六絲串五絲荒  
絲以備各項奏討而山東河南順天等府歲納綿花  
絨則內官之冬衣軍士之布花咸取備於此

丁字庫每歲浙江等處辦納生漆桐油紅黃熟銅白

蘇檠蘇黃蠟錫牛筋黃牛皮鹿皮鐵線魚膠白圓藤  
生熟建鐵等件以脩御用監內官監等奏往支給  
戊字庫職掌河南等處解剝盔甲子箭刀及廢鐵以  
脩奏准支給  
承運庫職掌浙江四川湖廣等省黃白生絹以脩奏  
討 欽賞夷人并內官冬衣樂舞生淨衣等項用  
廣盈庫職掌黃紅等色平羅熟絹玄色等色抗紗及  
青細綿布以脩奏討

廣惠庫職掌綵織帕攏梳抵刷錢貫鈔錠之類以備  
取討

廣積庫職掌盆淨焰硝熟硫黃聽盃甲廠等處成造  
火藥凡京營春秋操演咸取給於此

贓罰庫職掌沒官衣物等件或作價抵俸給官以上  
總謂之曰十庫各有掌庫一員貼庫數員僉書數十  
員不等然庫自戊字之後不全用十千者已者已也止  
也是以不得不改用別名也逆賢自甲字庫出身惟

倚任李宗政為掌庫餘九庫聽宗政指揮先帝時  
凡宮中喜慶及萬壽聖節御馬監三草塲并此十  
庫俱隨內宮閔領銀鐸針技箇比別者外衙門示優  
異為復奏討閔防令掌塲掌庫者掌之其篆文一行  
直下不過曰某字庫某草塲閔防而已萬曆時在京  
親藩如潞王福王先帝時在京親藩如瑞王惠王  
桂王各府承奉等官止有食米冬衣靴料惟天啓年  
間今上信邸承奉等官亦俱隨宮內閔賞蓋先

帝友于至誼 祖宗以來所希有也

漢經厰釋典具宗教兩門而誦經持咒勸導群生盖  
又度世津梁必不可缺者我 二祖 列宗咸多御  
製序文陰重佛典自宮壺藩封以逮學士大夫近而  
村氓里婦遠則邊塞夷種罔不藉佛法以寓勸化布  
經典以堅教旨以示羈縻 祖宗在宥孝侍 兩宮  
聖母琳宮梵刹徧峙郊圻丹籙梵文無遠弗屆皇城  
內舊設有漢經厰內臣若干員每遇收選宮人則撥

給數十名習念釋氏諸品經懺其持戒與否則聽人  
自便如遇萬壽聖節<sup>正</sup>旦中元等節於宮內啓建  
道場遣內大臣瞻禮揚幡掛榜如外之應付僧人一  
般其僧伽帽袈裟緇色衣亦與僧人同惟不剃髮耳  
事畢焚化圓滿後仍各易內臣服式神廟曾選擇  
經典精熟心行老誠持齋者數員教習宮女數十人  
亦能于各宮佛前作法事行香念經若尼姑也又萬  
曆初年馮太監保掌司禮監印時輔臣則張江陵居

正也時欵貢伊始宣太巡撫移咨言虜求佛經江陵  
以書答撫臣曰虜王求經求僧此悔惡歸善之一機  
也南北數百萬生靈之命皆係於此天祐中華故事  
虎狼梟獍皆知淨修善業皈依三寶我聖祖所謂  
佛氏之教陰翊王度不虛哉禮曹准公咨即可題  
請不必另疏但今在京番僧皆溷濁淫穢之流不通  
釋典遺去恐為虜人所輕耳所求佛經須有我聖  
祖御製序文者乃可與之公可特作此書諭虜王嘉

其善念曲為開導示之以三塗六道之苦誘之以人  
天福果之說及念珠坐具之類亦可稍少裁與裨益  
其向化之心則亦謂伏法人一大徵括也聖人之道  
苟可以利濟生民隨俗用其教可也何必先王禮樂  
法度而後為哉此萬曆初年事也至三十年後於西  
直門外青龍橋萬壽寺建大鐘樓懸大鐘一口鐘鑄  
楷書佛經樣式淳古聲音洪大可聞數十餘里是時  
雨暘時若香火豐足此鐘晝夜撞不絕聲云十萬八

千杵至天啓年間即停廢不撞今不知鐘存何處也  
累臣少時讀通鑑節要中揚節潘氏榮纔論及宋儒  
崇正辨等書遂極厭僧釋教以為惑世誣民最宜擯  
絕者後恭親列聖御製諸經序文及舊唐書太宗  
文皇帝本紀所載貞觀三年十二月癸丑詔建義以來  
交兵之處為義士勇夫殞身戎陣者各立一寺命虞世  
南李百藥褚遂良顏師古岑文本許敬宗朱子奢  
等為之碑銘以紀功業又初學記載此詔文曰有隋

失道九服涕騰朕親總元戎致茲明罰誓牧登陴曾  
無寧歲其有桀大嬰此湯羅術鬚義憤終手握節各  
狗所奉咸有可嘉日徃月來逝川斯遠雖復頂籍放  
命封樹紀以丘墳紀信損生丹素著於圖象猶恐九  
泉之下尚淪鼎鑊八難之間永纏冰炭愀然疚懷用  
忘興寢所以樹其福曰濟其營魄可於建義以來交  
兵之處為義士凶徒殞身戎陣者各建寺刹招延勝  
侶望法鼓所振變災火於青蓮清梵所聞易苦海於

甘露所司其量定處所並主寺各支配僧徒及脩院  
宇具為事條以聞稱朕哀矜之意按今 都城宣武  
門外之憫忠寺實其一焉寺有唐刻石碑係蘇靈芝  
書傳為李北海筆然有史思明字樣則非貞觀時碑  
可知累臣自崇禎戊辰秋斷絕葷酒皈依釋教又誦  
金剛等經又得詳味雲棲蓮池大師所纂彌陀疏抄  
菩薩戒發隱等編咸歎服釋教宏博誠暗助 聖朝  
治化不淺或在至戚密友苦口勸戒所不能感格之

人彼或自己於內典發露真可使神懺汗流至壬申  
春山東巡撫余公大成者博山大師弟子也因孔有  
德之變逮獄累臣得侍座側猥蒙指教且云我聖  
朝大明會典所載每月禁刑十日十齋期也凡未能  
長齋者先習十齋或歲加正五九月誠循々善誘掖  
後人慈悲方便門也回想潘氏絕論誤初學甚深是  
以儒生與釋子猶水火焉至學博識定得君行道  
如江陵張相國即夷虜之凶殘獷鷲尚頌經化導在

我中華衣冠文物之輩又當何如以指引成就哉治  
世法與出世法即儒門成已成物用舍行藏之義凡  
具慧性上根法器之人當終有憬然覺悟翻然自悔  
懺改者焉纔憲唐公世濟長男元竑於萬曆乙卯中  
浙江鄉試持齋二十餘年甘心恬退雅精禪學亦博  
山大師弟子也甲戌冬唐自留都召北任總憲元  
竑因慮其父年衰曾剝白寫家書勸唐辭官唐不聽  
也丙子秋虜繇宣鎮東北獨石折墻入犯潛沒天

壽山後柳溝深入踰 皇陵陷昌平薄都城殘掠畿  
輔竟飽颺去其冬奉 旨朝官各舉素具邊材者唐  
薦及霍維華奉 旨遠唐獄元竝聞之號泣奔北無  
可奈何遂傷斷鹽改持白齋刺血馮金剛等經二函  
叩佛祈祐丁丑夏部擬唐戍奉 旨俞允以唐素有  
清名也唐亦不知維華在南抱病於丁丑正月間已  
客死戍所也

番經廠習念西方梵唄經呪宮中英華殿所供西番

佛像皆陳設近侍司其燈燭香火其隆德殿欽安殿  
香火亦各有陳設近侍也凡做好事則懸設幡榜惟  
此番經藏廠仍立監齋神於門榜本廠內官皆戴番  
僧帽穿紅袍黃領黃護腰一永日或三晝夜圓滿掃  
砂萬曆時每遇八月中旬二神廟萬壽聖節番經廠雖  
在英華殿做好事然地方狹隘於隆德殿大門之內  
跳步叱而執經誦念梵唄者十餘人粧帝馱像合掌  
捧杵向北立者一人御馬監等衙門擗活牛黑犬圍

侍者十餘人而習學番經跳步叱者數十人各戴方  
頂笠穿五色大袖袍身披纓絡一人在前吹大海螺  
一人在後執大鑼餘皆左持有柶圓鼓右執擗拊齊  
擊之緩急疎密各有節奏按五色方位魚貫而進視  
五方五色傘蓋下誦經者以進退若舞焉跳三四箇  
時辰方畢 神廟時亦選老誠有行者教宮女數人亦  
如漢經厭能做法事惟弓足不能跳步叱耳監齋神  
者傀儡體製法真盪甲器械高與人等猶門神焉而

黑而豎髮靈威可怖於本殿門宮門安之凡做好事  
畢即收於本殿庫中一夕有盜入庫神施法禁不能  
行托夢於看庫內官曰庫內有賊我替你拏住了天  
明果然是以人皆畏之凡食驢肉者絕不敢入殿入  
則必有意意外災咎凡食牛羊肉者亦不入隆德殿飲  
安殿蓋亦頗著靈驗人不敢犯也英華殿前菩提樹二  
株結子可作念珠詞臣張士範倡謹附載之其序曰  
大內西北之隅建有英華殿一處殿前菩提樹二株

聞你九蓮菩薩 慈聖皇祖母所植樹叢生高二丈  
餘枝幹婆娑下垂至地儼若佛菩薩慈悲接引衆生  
者也盛暑開花作黃金色鼻觀時有異香葉如椒  
子不從花得乃生於葉之背雙若綴明珠似借空  
花喻世幻起色香佛果別成非閎生滅時見菩提身  
而為說法者秋深葉隨時飄颺水菴拾作念珠較南  
產者惜不甚大然色黃潤而分瓣之線色微白名衲  
多寶之如得未曾有 神廟以 聖母上賓奉 御

容於樹之東北別殿值朔望令節即親詣行禮每仰  
瞻雙樹若有摺捲之思焉因上尊號曰九蓮菩薩  
云偶禪持以此珠作施脩述其詳如此詞士範敬撰  
小偈以代頌言英華殿前菩提樹淨土移來飽霜  
露借問當年種者誰植以九蓮菩薩故托根不與  
凡卉同花作黃金欲逆風婆婆蔭覆人天界馥郁香  
飄帝擇宮香飄蔭覆超塵劫培得木枝千萬葉明  
珠每葉實離佛子繩相續接秋深其葉滿皆鋪

會得西來意旨無分明舍利人恣取綴作人間念佛  
珠念茲在茲指其掌拳勿失非閑想常得法兩潤  
心田沆灌菩提曰長果證三生不記春化生菩薩  
萬億身萬億之身一身是九蓮菩薩寧異人是則  
名為慈聖母九品蓮花為上首即心即母即菩提  
菩提不朽母不朽菩提即母定承歡誰道衆生見母  
難寄語恒阿諸佛子莫把菩提作樹看翰林院侍講  
張士範恭識初萬曆元年四月順義王俺答奏選得

金字番經並喇嘛僧為傳誦經典禮部通行順天府  
造金字經三部舊字經四部黑字經五部選得番僧  
聖日早回毋淹滯生釁神廟報可至十一月禮部  
覆看督臣王崇古之請給淹答佛像番經賞前去傳  
經番僧二人禪衣坐具紵絲番僧衣并靴襪授在虜  
番僧九人官仍給禪衣坐具僧帽及給其番官四人  
綵段

道經廠演習玄教諸品經懺凡建醮做好事亦於隆

德殿或欽安殿懸幡掛榜如外之羽流服式而雲  
清雅儼若仙音萬曆五年十月戊子彗星見西南  
神廟以星變時諭禮部建醮於朝天宮三日仍告徧  
各宮廟至二十六年昇建 乾清坤寧兩宮。勅先監  
矩總督工程每月初四日即同閣臣九卿入宮閱視  
一次至三十一年工始告成 勅正一副教大真人  
張國祥即天師也率領道侶教十員於 乾清宮大  
殿啓建黃籙大醮若干日香燭輝煌齋供精美儀文

隆脩世所罕見至第三日午時有白鶴千餘於兩宮  
之上飛鳴旋繞移時方散無不贊歎聖誠感格  
玄穹鑒臨羣內臣仰視空中之鶴者如堵有小近侍  
王昇者其口大能容拳亦隨衆挨擠真人一見即曰  
這孽畜躲在這裡了云昇是得道大蝦蟆初化生之  
人也凡朝天等宮廟奏事即道經廠代為轉奏護國  
寺等寺奏事即漢經廠番經廠代為轉奏其道經廠  
杖朝者泰昌元年八月內陞乾清宮管事王太監安

極器重之改復原姓魏陞天壽山某陵神宮監掌  
印大監後被逆賢害死初神廟亦欲選宮女數十  
人令數習玄教為女道士而掌壇內臣李昇白忠林  
朝執奏曰不可佛教慈悲凡此微簡襲尚或耽待若  
玄教諸神天將恐女子無知惹咎不便是以中止共  
謂之曰三經廠每遇收選宮人各撥數十人隸之凡  
做好事一永日或三晝夜或五晝夜或七晝夜各有  
飲賞銀錢為襯一統事畢易服叩頭謝恩凡三

經厰將做好事之前須先頒 旨意傳各衙門答應  
錢糧其所誦經卷所費紙劄司禮監也桌撓香爐紙  
鑪等件內宮監也鈴杵等件御用監也旂子桌圍針  
工局也拜單幃幙司設監也香燭油米內府供用庫  
也炭餅柴類惜薪司也齋供飲食尚膳監也鐘鼓鏡  
鈸兵仗局也凡遇癸亥 神廟景命三經厰各做好  
事一永日遣管事牌子瞻禮凡做好事則司禮監掌  
印掌東厰秉筆管事牌子各進素盒十二副或八副

點茶每廠掌廠太監一員貼廠各司房數十員於各  
衙門御帶惟番經廠韓長老 神廟極所信禮搆為  
長老而不名又 王定安清修能琴為先監所器再重

云

南海子林即苑上總督太監一員閱防一顆提督太監四

員管理僉書掌司監工數十員分東西南北四圍每  
面方四十里總二十四鋪各有看守牆鋪牌子淨軍  
若干人東安門外有菜廠一處是其在京之外署也

職掌壽鹿獐兔菜蔬西瓜果子凡收選內官於禮部  
大堂同 欽差司禮監、官選中時繇部之後門到  
此厥過一宿次日早晨點入東安門赴內官監又細  
選無違碍者方給烏木牌候收畢請 旨定日差司  
禮監掌印或秉筆于 萬歲山前撥散  
林衙署蕃毓署嘉蔬署良牧署提督太監一員各有  
掌署官一員貼署僉書數員職掌進宮川芎雜菜栽  
培樹株雞蛋黃鴨小猪等項

織染所局掌閱防太監一員僉書十餘員職掌內承運  
所用色絹其署向南在德勝門裡三座橋之北內有  
空地堪為園囿其染成之絹赴內承運庫交納此所  
工部亦有監督有所大使有供辦顏料諸項商人此  
所不隸內織染局  
蓋甲廠即鞍轡局建署于都城内之東南隅掌廠太監一  
員貼廠僉書數十員轄匠頭九十名小匠若干各專  
管營造鐵蓋甲銃砲弓矢火藥之類萬曆年間火藥

忽然震響其三十三年九月丙申、時忽響一聲起  
烟如靈芝燒死京營領藥把總等官九員軍人六十  
三名重傷者二十一名毀房屋若干間禮科蕭近高  
所題燒死不下數百人凡于工部領銀一萬兩則此  
厰六千王恭厰四千分造之工部主事一員監督之  
近年因東西南北不便復增主事一員各監督之崇  
禎甲戌九月初七日天明時忽震響一聲損房屋人  
甚多將製火藥石礮遠拋于泡子河城墻下又一石

碾自空中落于民家屋上打透至炕而炕上所卧小孩不知何因在地無恙又一人繫掛于梁上頭與脚下垂止有皮無衣無肉骨形比生時頗增長許多是日也本廠匠頭蔡承祿號小泉家出殯其人頗富侈寘噐咸用真正綾絹為之延優娼扮十二寡婦征西等故事又製火人火馬十匹各以起火紙炮縛徧人馬身上點着藥線馳跑則起火四飛紙炮雖迸響而人不傷是日之變人多云蔡家所致凡附近寺廟正

殿多未震動而配殿概損也有一吳羊兒者素以食物入殿貨賣此晨已擔入忽覺眼黑耳畔亦略聞有此微響聲移時始醒開眼視之則身立泡子河橋上不知得何神佑而無恙也又有一賣肥皂者素在崇文門裏賣後改于門外賣是時禍入城索債被響震死於姜百戶門首肥皂箱油粉狼籍見者無不悚懼奉旨將掌殿直日內臣賀堯年等監督主事蔡宸恩逮獄薄懲之

安民廠舊名王恭廠建署於都城之西南隅掌廠太監一

員貼廠僉書十餘員轄匠頭六十名小匠若干名管  
營造錢糧與盛申廠同天啓六年五月初六日辰時  
忽大震一聲烈踰急霆將大樹二十餘株拔起而根  
或向上而稍或向下又有坑深數丈烟雲直上亦如  
靈芝滾沸向東北自西安門一帶皆霏落鐵渣如麩如  
米者移時方止嗅之火藥氣自宣武街迤西刑部街  
迤南將近廠房屋倅然傾倒如踐踏者木土在上而

尾在下也殺有名姓者幾千人而閤戶死反不知姓名者又不知幾千餘人也凡坍平房屋爐中之火皆滅只賣酒張四家兩三間之木箔火然其餘了無燒燬几死者肢體多不全不論男女盡皆裸體未死者亦或震褫其衣帽焉真從來未有之變也遂改卜於西直門街北建廠先帝賜名曰安民并蓋甲廠皆鑄銅閤所以給之重軍需也王恭廠舊址兵部尚書馮嘉會題改為戎政署凡在西會議兵事即共集面

計甚便而崇禎辛未戎政尚書閔夢得設處錢糧修理損俸完局云近因造火藥偏窄遂於宣武門街北儘頭街西分創新火藥局一處又安定門裏東絲兒街衙舊設鎗局一處係京營官軍自兩廠領出火藥併神器堆積以便教場取用者崇禎戊寅四月初五日卯時新火藥局忽震一聲損房屋人民許多至六月初二日午時安民廠亦大震略減於天啓六年五月間時也八月初四日卯時鎗局復大震且延燬草若

干椽其湧起之煙各如靈芝如潮浪如雲如雪移時  
方散 聖明極矜憐之發 御前銀分賑司禮監掌  
印曹太監化淳親詣傷處相驗復施棺席殮埋是歲  
頗早至庚辰四月初一日午時宣武門外設新局造  
火藥處響聲損房屋人民甚多  
西山故陵 景皇陵皇太子故王故公主故各為掌  
府官一員僉書五十餘員不等以供修理洒掃看守  
香火凡為祭祀即本處掌府官行禮

京城內外寺廟大護國龍善寺等寺朝天宮等宮東  
岳廟等廟各有燒香內官十餘員不等及東西捨飯  
寺亦有內官十餘員咸因年老有病退居于此止存  
本身柴米冬衣靴料以終殘年此 祖宗以來豢養  
之澤周詳備至也

安樂宮在北安門裏掌房官一員掌司數十員凡在  
裡內宮長隨內使小火者有病便送此處醫治痊可  
之日重謝房主銷假供職如不幸病故則各有送終

內官啓銅符出北安門內官監給官木板惜薪司給  
焚化柴擡至淨樂堂焚化此 祖宗為中官始終之  
大恩也萬曆時堂內有兩人一屋養病一人已死身  
傍所有止一銅盆被未死者力疾下牀將盆藏之死  
者之家人名下徧尋不見而藏盆者不以亦氣絕此  
殮時則盆覆于被內腹下蓋內臣惟貧苟得至死不  
二遂傳為笑柄云累臣目擊陋習心願不甘因發三  
大願一曰不教戲實不忍將民間幼男買來付南人

教習費財耗力以供人耳目之樂終致戲散流落失  
所者多二曰不蓋房實不忍隨世俗陋套頻興土木  
取片時之得意失寒素之本色三曰不受做官財產  
是以先監陳矩化常太監雲病逝李公永貞死後累  
臣所分遺念堪付一笑凡內臣稍富厚有力者咸預  
先且約期擺酒創老衣會棺木會壽地會於義會館  
中念經殯葬以為身後眩目之榮  
淨樂堂在西直門外亦有內官數人經營凡宮女內

官無親屬者死後于此焚化堂有東西二塔：下有  
智井皆盛貯骨灰之所猶唐之宮人斜也客氏笞死  
焚此

內安樂堂在金鰲玉鍊橋西櫺星門迤北羊房夾道  
有掌司總其事者二三十人凡宮人有病及年老或  
有罪先發此處待年久冬方再發外之浣衣局也成化  
年間 憲廟皇貴妃萬娘：專寵 孝穆皇后紀娘  
娘覺有孕曾托病居此誕生 孝廟為中興聖帝云

云

內贊禮官巡街長隨凡宮中祭祀禮儀等事係贊禮  
官職掌如外之鴻臚寺焉其官十餘員自答應長隨  
選其動轉便利聲音洪亮儀表豐秀者為之得穿紅  
圓領束金鑲帶此外又有巡街長隨亦自答應長隨  
內層俸實挨戴平巾得穿青被徽牙牌各輪流巡歷  
地方有旗尉數人跟隨凡禁地有異言異服及喧嚷  
犯禁者得詰而責之事大則開具連七紙手本名曰

事件呈稟司禮監奏處事小則責打遂出而已

答應長隨凡收入官人之始先選身驅偉壯有力者

百餘人分派大轎即搜頂方轎也小轎即明轎也并

傘扇等演習步驟凡過謁廟朝講以至聖駕出

外擡弓箭賞賜等箱駕回各交原處俱在玄武門

之東西長庚門之外一帶廊下家住分各門共爨屬

司禮監轄平巾牙牌貼裏看守六科廊報水巡街禮

儀房等項皆從此中揆陞補選凡夜間那方有光亮

便從宮中門縫傳出急分差長隨找尋是何處失火  
登時回話凡 召對宣官及 欽賜大臣銀兩表裏  
羊酒瓜茄等項皆長隨齎送天下文武官各藩府進  
到表箋禮物皆長隨承接捧進其為首數員有官帽  
曰答應牌子即司禮監奉御然不敢穿襖襟也 祖  
宗以來凡雙月十六日例有答應牌子前往教場比  
試武職應襲至逆賢時欲令各下私人炫耀中外遂  
改差文書房或監官輪挨一人往也非舊制也

宮下官占分西班四撥小火者烏木牌平巾遇陞一  
級則內使烏木管宮中洒掃之事有力者免之  
當差聽事兩班四撥內使小火者烏木牌戴平巾有  
纜牌一名二牌三牌四牌各一名每撥餘者各數十  
名專答應司禮監官典簿人數凡出票拏人馬房  
動刑裏外聽事房看守墩鎖淨軍皆其職掌猶外廷  
之皂隸也夜則輪流叫火巡風隔風縫聽傳驅使極  
勤苦忙迫可憐然間多騙詐嫖賭答應宮人不成人

貪忍無耻亦大與外廷厮役相似者大抵習俗移人多被漸染不能特立成為饑寒迫耳悲夫京城内外十六門

正陽門掌門官一員管事官數十員帶管外羅城南門居中之永定門凡冬至聖駕躬詣園立郊

天并耕籍田及崇禎辛未五月初一日今上聖主因旱詣園立步禱咸繇正陽門出也

崇文門掌門官一員管事官數十員帶管外羅城之

東南左安門正東之廣渠門東北之東便門崇文門  
俗稱海岱門也左安門即俗稱姜礫門也廣渠門即  
俗稱沙窩門也

宣武門掌門官一員管事官百餘員逆賢時則幾二  
百員帶管外羅城西南之右安門正西之廣寧門西  
北之西便門宣武門即俗稱順城門也廣寧門即俗  
稱彰義門也此京城之南一面也

東面則朝陽門俗稱齊化門也 聖駕眷分躬詣夕

月壇則繇阜成門出再北則西直門也

北面居西者德勝門也

聖駕謁

陵及

大行帝

后發引則出此門北面居東者曰安定門也萬曆丙

辰七月初六日晚大風暴雨曾將此門攔剝折技清

河一帶大樹無筭而皇城之北中門東上門攔俱折

允遇夏至聖駕躬詣方澤壇祭地即經繇安

定門也各掌門官一員管事官十餘員或三四十員

與前三門亦同譏查出入交納課程以上俱醜正副

提督掌司節制而司禮監鈐轄之凡在京大小喪柩  
得于安定西直東直阜成崇文宣武門發引餘三門  
不許喪柩出也

在京府第王府每承奉正副二員典寶等官數十  
員公主府每中使一員閣者數十員

聖駕御前凡每日親近內臣自司禮監掌印秉筆隨  
堂之次而名位尊顯者曰乾清宮管事第一員  
或第二員則提督兩司房者也曰打外牌子則隨朝

捧劍者也其次曰御前牌子曰暖殿則朝夕在側者  
也其次曰管櫃子曰人數司房曰管賞司房曰御藥  
房曰御茶房曰管庫又其次曰管弓箭曰挈馬曰尚  
冠等四執事則并尚衣尚履管淨者也曰帶刀曰報  
時刻曰大庖厨曰宮後苑曰班上曰吹響器曰欽安  
殿隆德殿英華殿之陳設以上皆穿紅謂之曰近侍  
也曰某宮近侍則答應 皇后嬪妃皇子女等近侍  
也各數十員不等總穿紅近侍也

御藥房提督太監正副二員分兩班餘日近侍二三十員未進宮未穿紅者學醫官人三四十員職掌上用藥餌與太醫院相表裏凡選一次官人進內必撥年少者三四十人或五六十人選醫官教習讀藥性賦醫要集覽及素問脉訣等書 祖宗以來無一人敢無事入藥房者防至密也逆賢用事則大不然矣可嘆也凡 聖駕遠和傳放御醫至日四人或六人吉服入宮不論冬夏必於殿門之內設炭火一盆

中焚蒼朮雜香人：從盆上入叩頭畢第一員膝行  
跪診左手第二員跪診右手診畢仍互更再診之各  
將 聖恙大略面奏數言出至 聖濟殿計藥開方  
具本御藥房用金罐煎進之其罐口以御藥謹封緘  
之  
御茶房拱視御藥房分兩班有牌子四員常行近侍  
三四十員職司酒茶瓜果凡 聖駕出朝經筵講筵  
御用茶及宮中三時進膳 聖駕七箸 中宮七箸

係其職掌尚膳監撥長隨以供汲水搗扛祖宗以  
來亦無一人敢擅入者逆賢擅改時止伺候先帝  
七箸杯盃將中宮張嬪合用器具一概不管而客  
氏逆賢王體乾等御前每日賜喫之膳頌奔趨供  
奉而不敢後焉可慨也神廟時牌子魏學顏最有  
寵自打郊牌子朝中死後無人解聖意者惟學顏  
奏對便捷嘗備顧問日親信之即秉筆管事莫敢與  
抗泰昌元年八月光廟登極憫其勤慎忠勞陞秉

筆尋准辭閑住學顏豐潤縣人未甚讀書而博聞強  
記敬重士大夫且癖好黃白之事門多異流即屢被  
丹客哄騙而至老不厭也萬曆丙辰科第六名中式  
舉人趙鳴陽遭第一名沈同和事敗喫累雖鳴陽未  
得廷試然文名籍甚學顏深慕之後以重幣延請  
至外郎訓其侄魏廷猷入豐潤縣庠及學顏得以秉  
筆予告而鳴陽在京師道大行復遊山西主鄭公  
宗周家天啓甲子冬河南獻寶璽後魏相國廣微等

交通逆賢 大工興後崔御史呈秀等接續布穿凡

先帝一應長旨意長 聖諭迥與癸亥以前文氣

不同人頗駭訝彼時通內導逆諸臣大布謠言於外  
曰涂文輔是秀才出身趙鳴陽入幕在內南北傳播  
人多信以為實是時 今上在朱邸或亦聞之至崇  
禎戊辰六月內中府會審李永貞等而永貞輒昧心  
妄扳鳴陽蓋欲少賒目前之死誣陷人性命固恤也  
其年冬臺臣陳公乾陽偶有疏波及之奉 旨逮鳴

陽獄時大司寇喬公允升綏憲曹公于汴咸心知其  
寃而奈無據乃於己巳七月內提取若愚并永貞姪  
男僕人赴都城隍廟面質鳴陽若愚曰永貞若愚心  
本不同各人自有本末扱者自扱不扱者自不扱此  
形可碎此心難昧必不忍以人之妄加己者而今亦  
妄加諸人也乃激烈慷慨力為鳴陽辯白曰鳴陽並  
不曾入魏忠賢之幕中外之語皆因鳴陽曾在秉筆  
魏學顏家教書人遂誤作入魏忠賢之幕也云其舉人

曹泰然等生員魏廷獻等可數百人皆鳴陽門人俱  
為鳴陽申訴時座中問官董公羽宸等九位盡感動  
首肯鳴陽得擬杖過堂覆 允案存刑部江西司其  
長男趙玉成至丁丑科登劉同升榜進士學額至戊  
寅夏卒壽九十餘歲人咸以為得內養外丹力也  
篋頭房近侍十餘員專習為皇子女請髮留髮入囊  
整容之事凡誕生皇子女彌月剪胎髮百日 命名  
後按期請髮者即如外之每次剃頭然一莖不肖如

佛子焉皇子戴玄青縞紗六瓣有項圓帽名曰瓜拉  
冠至十餘齡留髮約年餘又擇吉入裳總束於後冬  
用玄色紵絲夏用玄色紗作裳濶二寸許長尺餘垂  
於後至選婚有妃始擇吉行冠禮此皇子事也皇女  
戴寸許濶小頭箱至十餘齡留髮至年餘又擇吉打  
扒角至選婚有駙馬始擇吉上頭此皇女事也凡奏  
文書皆禮儀房職掌凡收生婦醫婦進宮出宮或乳  
婦有疾更換皆禮儀房事也

猫兒房近侍三四人專飼御前有名分之猫凡  
聖心所鍾愛者亦加陞管事職銜牡者曰某小厮騙  
者曰某老爺牝者曰某丫頭候有名封則曰某管事  
或直曰猫管事亦隨中官數內閣賞凡皇子女嬰孺  
時多有被猫叫得驚風囊殞者有誰敢言或只於所  
居近處禁止幾年可也說者曰祖宗為聖子神孫  
長育深宮阿保為侶或不知生育繼嗣為重而寵注  
一人未能溥貫魚之澤是以養猫養鷄復以螽斯百

子千嬰名其門者無非欲藉此感動生機廣胤緒耳  
其意良深遠哉凡聖駕喜乘之馬亦各賜佳名逆  
賢曾進先帝之馬甚多有曰飛玄光等或陞馬玉  
帶賞馬抹布刀兒如管事之秩然絕涉戲弄不可以  
為訓也

宮內教書選二十四衙門多讀書善楷書有德行無  
勢力者任之三四員五六員不拘穿襖襪不妨原衙  
門原職銜而隨御司房或管櫃子閱賞亦淳陞玉帶

騎馬仍命秉筆一員提督之所教宮女讀百家姓千字文孝經女訓女孝經女誡內則詩大學中庸論語等書學規最嚴能通者陞女秀才陞女史陞宮正司六局掌印九聖母及右妃禮儀等事則女秀才為引禮贊禮官也九宮人有罪者發落責處墩鎖或罰提鈴等名色以苦之提鈴者每日申時正一刻并天晚宮門下鎖時及每夜起更二更三更四更之交五更則自乾清門裏提至日精門回至月華殿門仍

還乾清門裏其聲方止提者徐行正步大風大雨不  
敢避而鈴聲若四字一句如曰天下太平天下太平  
云神廟御居啓祥宮時則自咸和右門提至嘉德  
右門而仍回原處止焉  
寶和等店經營各處客高販來雜貨一年所徵之銀  
約數萬兩除正額進御前外餘者皆提督內臣公  
用不係祖宗額設內府衙門之數也店有六曰寶  
和曰和遠曰順寧曰福德曰福吉曰寶延而提督太

監之廳廨則在和寶店也俱坐落戎政府街凡奉 旨提

督者亦無 勅書傳云起自嘉靖年門裕即差官

徵收 神廟時屬慈寧宮 聖母李老娘之宮中徵

用管事張隆齊揀等總其事 先帝登極逆賢攘為

提督委掌家王朝用經理之朝用介々自守自愛新

其辭字寬其苛斂惟恐病商司房王惟善等至今稱

之按每年取來貂皮約一萬餘張狐皮約六萬餘張

平機布約八十萬疋粗布約四十萬疋棉花約六千

包定油河油約四萬五千筭燒油約四萬筭而都城  
內所燒者不與也荆油約三萬五千筭芝蔴約三萬  
石草油約二千筭南絲約五百馱榆皮約二千馱各  
香館分用也北絲約三萬筋串布約十萬筒江米三  
萬五千石夏布約二十萬疋瓜子約一萬石醃肉約  
二百車紹興茶一萬箱松蘿茶約二千馱雜皮約三  
萬餘張大麪約五千萬塊中麪約三千萬塊麩麪約  
六十萬塊京城自造細麪八十萬塊而內臣勳戚自

製之麴不與也。四直河油五千筭。四直大麴二千萬塊。玉約五千觔。猪約五十萬口。羊約三十萬隻。俱各有稅。而馬牛驢騾不與也。如滇粵之寶石、金、珠、鉛、銅、砂、汞、犀、象、藥材、吳、楚、閩、越、山、陝之幣、帛、絨、貨，又不與也。天啓以前大概如此。今又不知何項增多，何項減少。觀商民之通塞，販貨之豐耗，亦足以卜時考世云。

酌中志卷之四終












British Library  
Acquisition Department  
96, Gordon Street  
London WC1H 0AB  
UK





Centimetres

**TIFFEN** Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

B